



IS-BWYLLGOR TRAFNIDIAETH STRATEGOL

1 Hydref, 2024

TEITL: Cynllun Trafnidiaeth Rhanbarthol: Adroddiad Cwmpasu Arfarnu Lles Integredig

AWDUR: Alwen Williams, Prif Weithredwr Dros Dro

1. PWRPAS YR ADRODDIAD

1.1. Pwrpas yr adroddiad hwn yw cyflwyno'r gwaith i ddatblygu Adroddiad Cwmpasu Arfarniad Lles Integredig (IWBA) sy'n ofynnol er mwyn i'r Cynllun Trafnidiaeth Rhanbarthol alluogi'r CBC i gyflawni ei ddyletswydd statudol.

2. Y PENDERFYNIAD A GEISIR

2.1. Argymhell bod yr Adroddiad IWBA gan gynnwys ei atodiadau'n cael eu mabwysiadu gan yr is-bwyllgor gan fod yn rhaid eu paratoi i gefnogi'r CTRh.

3. Y RHESWM DROS Y PENDERFYNIAD

3.1. Mae'n ofynnol i CBC y Gogledd gynhyrchu Cynllun Trafnidiaeth Rhanbarthol (CTRh) a Chynllun Cyflawni Trafnidiaeth Rhanbarthol (CCTRh) yn unol â chanllawiau Llywodraeth Cymru erbyn 31 Mawrth, 2025. Mae ail elfen y CTRh yn cynnwys yr IBWA. Er mwyn cyflawni hyn, dylai'r Is-bwyllgor Trafnidiaeth Strategol ystyried datblygu cydrannau y CTRh drafft ac arwain y gwaith i gael ei gymeradwyo'n derfynol gan gynnwys cytuno ar y camau a'r dogfennau gofynnol ar gyfer ymgynghori'n gyhoeddus.

3.2. Mae'r IWBA yn gam hanfodol yn y cynllun map ffordd, fydd yn sicrhau bod materion yn cael sylw priodol drwy'r Is-bwyllgor ac yn cael eu cyfeirio i'r CBC mewn modd amserol er cymeradwyaeth.

4. CEFNDIR AC YSTYRIAETHAU PERTHNASOL

4.1. Mae IWBA yn broses ar gyfer asesu effeithiau cymdeithasol, diwylliannol, economaidd ac amgylcheddol posib cynllun a'i nod yw gosod datblygu cynaliadwy wrth wraidd y broses o wneud penderfyniadau. Mae IWBA yn declyn gwerthfawr a all helpu i ddylanwadu ar ddatblygu cynlluniau, gan ei alinio â Strategaeth Trafnidiaeth Cymru a dangos bod egwyddorion datblygu cynaliadwy yn cael eu defnyddio tra hefyd yn diwallu'r gofynion deddfwriaethol:

- Rheoliadau Asesu Amgylcheddol Cynlluniau a Rhaglenni (OS 2004/1656) (Rheoliadau Asesu Amgylcheddol Strategol (SEA))
- Deddf Llesiant Cenedlaethau'r Dyfodol (Cymru) 2015
- Mesur y Gymraeg (Cymru) 2011 a Safonau'r Gymraeg
- Aseiad Effaith ar Hawliau Plant (CRIA), fel sy'n ofynnol gan Fesur Hawliau Plant a Phobl Ifanc (Cymru) 2011

- Asesiad Effaith Cydraddoldeb (EqIA), fel sy'n ofynnol gan Ddeddf Cydraddoldeb (2010)
 - Rheoli Adnoddau Naturiol yn Gynaliadwy (SMNR) a'r Polisi Adnoddau Naturiol (NRP) fel sy'n ofynnol gan Ddeddf yr Amgylchedd (Cymru) 2016
 - Asesiad Rheoliadau Cynefinoedd, fel sy'n ofynnol gan Reoliadau Gwarchod Cynefinoedd a Rhywogaethau 2017 fel y'u diwygiwyd (a elwir yn Reoliadau Cynefinoedd 2017).
- 4.2. Defnyddir IWBA hefyd i ymgorffori gofynion anneddfwriaethol asesiadau sy'n ymwneud â: prawfesur gwledig, effeithiau iechyd, a newid hinsawdd.
- 4.3. Mae'n ofyn cyfreithiol i awdurdodau cyfrifol ymgymryd ag SEA ac ARhC o gynlluniau a rhaglenni sy'n amodol ar gael eu paratoi a/neu eu mabwysiadu gan awdurdod ar lefel leol, ranbarthol neu genedlaethol ac sy'n ofynnol gan ddarpariaethau deddfwriaethol, rheoleiddio neu weinyddol.
- 4.4. Mae'r swyddogaeth o ddatblygu Cynllun Trafnidiaeth Rhanbarthol Gogledd Cymru (CTRhGC) yn bŵer i'w weithredu gan y CBC yn ychwanegol i'w Reoliadau Sefydlu. Defnyddiwyd y broses SEA fel sail i'r IWBA oherwydd ei bod yn broses gydnabyddedig a systematig ar gyfer gwerthuso canlyniadau amgylcheddol cynlluniau a rhaglenni. Trwy ehangu'r asesiad i gynnwys gofynion asesiadau eraill (fel y rhestrir uchod), mae'r IWBA yn darparu un asesiad cydlynol gan ddefnyddio dull cydweithredol ar draws gwahanol agweddau cynaliadwyedd, yn hwyluso gwybodaeth a rennir ac yn nodi'r croestoriad rhwng y pynciau a ystyriwyd. Mae'r dull hwn yn dileu ailadrodd diangen tra'n caniatáu asesiad cadarn a thryloyw sy'n nodi materion datblygu cynaliadwy a chyfleoedd y gellir eu bwydo'n ôl yn sylweddol i ddatblygiad CTRhGC.
- 4.5. Mae'r Adroddiad Cwmpasu'n nodi cwmpas yr IWBA ac yn darparu gwybodaeth i ganiatáu ymgynghoriad â chyrrff statudol diffiniedig ynghylch cwmpas a lefel y manylion i'w hystyried yn yr asesiad. Mae'n gosod y cyd-destun, yn nodi amcanion cynaliadwyedd perthnasol ar gyfer y fframwaith asesu, ac yn sefydlu'r gwaelodlin.
- 4.6. Bwriedir hefyd rhannu'r Adroddiad Cwmpasu gyda chyrrff anstatudol, gan gynnwys awdurdodau lleol Gogledd Cymru, Llywodraeth Cymru a Thrafnidiaeth Cymru, er mwyn rhoi cyfle i gael adborth yn ystod yr ymgynghoriad gyda'r chyrrff statudol.

5. GOBLYGIADAU ARIANNOL

- 5.1. Datblygiad y CTRh yw un o ddyletswyddau craidd y CBC, ac y mae cyllideb yn ei lle ar ei gyfer.

6. GOBLYGIADAU CYFREITHIOL

- 6.1. Cyfeirir at y goblygiadau cyfreithiol yng nghorff yr adroddiad.

ATODIADAU:

Atodiad 1: Adroddiad Cwmpasu CTRh IWBA
[atodiadau ar gael ar gais]

YMATEB Y SWYDDOGION STATUDOL:

i. Swyddog Monitro:

"Nid oes gennyf unrhyw wrthwynebiad i'r argymhelliad yn yr adroddiad hwn o safbwynt cyfreithiol. Heb yr Adroddiad Cwmpasu Arfarnu Lles Integredig ni fyddai'r CBC yn gallu cyflawni ei gyfrifoldeb statudol wrth ddatblygu ei Gynllun Trafnidiaeth Rhanbarthol."

ii. Swyddog Cyllid Statudol:

"Mae datblygiad Cynllun Trafnidiaeth Rhanbarthol yn un o ddyletswyddau craidd y Cydbwyllgor Corfforedig. Mae'r Adroddiad Cwmpasu Arfarnu Lles Integredig yn gam pwysig yn y gwaith yma, a nid oes gennyf wrthwynebiad i'r penderfyniad a geisir o safbwynt priodoldeb ariannol."